

DE LA FRANCE. 399
FONDATION DE LA
VILLE DE S. BRIEV ET
autres places.

Ceste place est assez ancienne, les habitans de laquelle estoient iadis appellez Biduceës, & n'y auoit qu'une Abbaye, laquelle fut erigee en Euesché du temps du Pape Pelagie, enuiron l'an de grace cinq cents cinquante deux, le premier Pasteur ou Euesque fut S. Brieu, lequel auoit esté nourri & instruit par S. Germain Euesque de Paris, au nom d'iceluy est appellee ceste ville S. Brieu.

Au bon Euesque S. Brieu succeda S. Guillaume, lequel fut banny par son peuple; parce qu'il reprenoit les vices. Et ayant demeuré long temps en Poictou, en fin ce saint personnage reuint mourir en son